

# Күч-көлсчнриг сарул, дулан, сән, цевр пәтрәр күтц тетгхмн

## „Ленинский“ совхозд әмтн бәәх гермүд тосхлгън

Целинн района „Ленинский“ совхозд ик олтн өрк-бүл хальмгуд нүүджд ирцхäv. Эднә нег түрүнь—бәädг гер уга йовдл. Энүг тоолад, совхозин гардвр (директорнь үр В. С. Заритовский) әмтн бәädг гермүд тосхлгънд ик оньг-килмджән өгнә.

Әмтн бәädг гермүд совхоз бийнь тосхджах деерән, нүүджд ирсн хальмгуд ссудар мөнүг авад, эврәннь гер бәрдж авхд онц оньг тусхадж бәәнә. Ода совхозд 31 хальмг өрк-бүл бийснь гер бәрдж авх болад 308 миньгън арслнь мөнүгнә ссуд авх болдж гарв, 100 миньгъ шаху арслнь авцхачкв.

Хойрдгч ферм деер 10 стандартн гермүд экләд тосхгдджана. Эн тосхлтиг совхоз эврәннь чидләр хальмгудт бәрдж өгх болдж шиидв: гаругъинь эздүд бийснь даах, кәдлмшинь совхоз күцәх. 5 герин эрснь босхгдчкв, нег

герин орань бүркгджд бәәнә. Урчудин бригад бүрдәгдсн модна кәдлмшинь эклджәнә. Дакад совхоз тоосх, шил, нань чигн керггә тоот материал тосхачнрт өгчәнә. Наадк 5 герин девснүгнь экләд тәвгдджәнә.

Централнь ферм деер 8 гер тосхгдджана. Эн тосхачнрт совхоз бас ик дөнү-нөкдән күргджәнә. Ус, солом зөөхд машинд, кәлгн өггдв.

Тосхлгд керггә харгъа зөөджд авхд совхозин гардачнр шунмгъа нөкд күргцхәнә. 150 куб. м. харгъа авад ирчксн бәәнә, 220 куб. м. Әәдрхнәс даруд зөөджд авхмн. Совхозд белн кечксн 55 миньгън шавр кирпич бәәнә.

Әмтн бәädг гермүд тосхлгънд заавр сөв-селвгән әмтнд ах прораб Я. Я. Акопов сәәнәр күргнә, бийсдән гер бәрджәх хальмгудин кәдлмшинь гардхд десятикүд Н. Журавлевд болн В. Дома-

шенкод йилгъгдв. Иигджд тосхлтин кәдлмшт оньг тәвгдджәх учрар нүүджд ирцхәсн хальмгуд ик өргмдждтәгъәр бәәх бүүрән батлдж авхин төлә кәдлцхәджәнә.

Совхозар әмтн бәädг гермүд тосхлгъна кәдлмшт хурдар йовхд саалтг болджахнь—хар чолун уга болдг йовдл. Таньгъчин күцәгч комитетин бәәри газрин промышленностин отдел (заведующннь үр Кирбасов) зурагъан күцәджд тим чолугъар тосхлтиг теггджд чаджд бәәхш. Автотранспортин контор (директорнь үр Чернов), таньгъчин совхозтранс мана совхозд машинд гаргәджд өгхш, эн учрар тосхлтин материал зөөлгънд ик таслвр гарад бәәнә. Дакад болхла таньгъчин потребсоюз ода күртл шифр, толь, нань чигн материал авч ирджд бәәхш. Эн дуту-дундсиг даруд уурулх аргъ хәәх керггә.

Б. АРАШАЕВ.